

BONERIANO®

Un hòmber ku ta skucha pasobra e no tin nada di bisa no por ta nunca un fuente di inspirashon.

EDITOR:
Bonaire Communication Services N.V.

Djárason 19 yùli 2023 |

Preis: \$1.25

DEMOKRAT DEN PÈRTÁ?

Boneiru ganadó absoluto Arte di Palabra 2023



Boneiru a bai ku e premio máksimo di Arte di Palabra 2023. Ta promé bía ku Boneiru ta gana e título. Banda di Kaylee Winklaar ku a resultá ganadó absoluto, nos muchanan a sa di bai ku praktikamente tur premio. Den tur kategoria Boneiru a bai ku promé i di dos lugá. E kompetensia a tuma lugá e aña aki na Aruba.

MANTENE BO
VEHIKULO OF
EKIPO DEN
KONDISHON
KU PIESANAN
KUMPRA NA NAPA



xerox™



CHANGAN AUTO



CS15

f /dabboussimotors

Barku a yega no ofisial

KRALENDIJK- Ayera Boneiru a yama bon biní na e promé barku di fruta for di Puerto Cabello. Pa basta tempu kaba Boneiru ta sperando riba e barkunan for di Venezuela ku bèrdura, fruta i material di konstrukshon. Ku entusiasmo diputado

Jolinda Craane a yama bon biní na e promé barku venezolano.

ta informá ken ta bini, kua dia e ta yega Boneiru i e sitio i orario ku prensa por papia kuné.



Remarkabel tabata e echo ku no tabatin vários miembro di prensa. Radio Live99 fm i Bonairekrant so tabata presente. Reportero di BONERIANO a akudí na e sitio riba propio iniciativa. El a risibí informashon di e barku ku ta trese fruta ta bini Boneiru, pero no a menshoná e ora, esaki di parti gobièrnu. Hustamente un evento asin'aki a ferwagt mas prensa presente.

Lógikamente ta di lamentá ku e promé barku ku ta trese fruta for di Venezuela pa Boneiru a yega i no a informá prensa. No por deskartá e echo ku ta notabel, momentu ku un sekretario di estado bini Boneiru,

Ta manda informá algun dia promé i momentu falta un dia pa e sekretario ta na Boneiru, ta bolbe manda un rekordatorio. Esei ta bon i asina mester ta. E pregunta ta, dikon e biaha aki e no a sosodé. E insidente aki a duna henter e aktividat aki un karakter kuestionabel. Konsekuentemente BONERIANO a tuma kontakto ku Richard Arends. E ta kwartiermaker Ekonomia di Entidat Públiko Boneiru (OLB). Segun Arends no tabatin un invitashon òf risibimentu ofisial tokante e promé barku. "Nos a haña sa solamente ayera tardi ki ora e barku lo a yega", el a bisa.



Ofisina di Grefi di Konseho Insular ta muda temporalmente

KRALENDIJK-- For di 19 di yüli te próksimo aviso, ofisina di grefi ta muda. E ofisina lo ta ubiká na Direktorado di Maneho i Sosten na Kaya Industria Pariba 28 (en-

frente Statiegeld BV).

Esaki ta relashoná ku trabou di renobashon na edifisio di Passangrahan. E number di telefòn 715 5352, ta keda aksesibel pa públiko.



Pronóstiko di tempu pa Boneiru

Djammers 18 te Djárason 19 Yüli 2023
Parsialmente te hopi nublá i chèn pa áwaseru

Prinsipalmente awe tin chèn pa algun áwaseru, posiblemente ku mal tempu. E temperatura máksimo lo ta aproksimadamente 32°C, e temperatura mínimo mas o ménos 27°C. E bientu ost ta predominantemente moderá awe, forsa 4. Mañan bientu lo oumentá te basta fuerte, forsa 5.

Altura di ola: 2.0-2.5 m (5-7 pia)

* Altura di ola válido pa laman grandi



Rijkdienst Caribisch Nederland

VAKATURA

Bo tambe ke traha pa RCN? Bo por solisitá pa e siguiente funshonnan:

- KPCN - Kolaboradó Kuido Básiko di Polis Allround Boneiru
- KPCN - Kolaboradó Kuido Básiko di Polis Boneiru
- KPCN - Kolaboradó di Atmishon & Servisio (Intake & Service)
- KPCN - Kolaboradó di maneho pa hefe di kuerpo polisial i hefe di operashonnan polisial
- SSO - Kolaboradó di Frontoffice (ICT) (3fte)

Mas informashon?
Bishitá www.rijksdienstcn.com/vakatura

DEMOKRAT DEN PÈRTÁ?

KRALENDIJK- Riba mesa di redakshon di BONERIANO a yega e informashon ku Peter Silberie a tuma retiro for di Partido Demokrátiko Boneriano

(Demokrat). Silberie tabata presidente di e partido. Un paso ku ta krea e impreshon ku partido kòrá ta den pèrtá.

BONERIANO a aserká Silberie ku a konfirmá e

informashon aki. “En bèrdat mi a tuma mi retiro”, el a bisa. Tin indikashonnan fuerte ku e retiro di Silberie tin di aber ku algun inkietut den e partido polítiko. “Mi

retiro ta pasombra adelantá mi a bisa ku lo ta pa un periodo transitorio. Pa awor e vice presidente ta sigui te ora ku den un reunion general skohe otro”, Silberie ta desmentí e rumornan.

Nos fuentenan ta splika ku ainda direktiva di e partido no a ni atendé e karta di retiro di Silberie pero ta warda e reunion general pa atendé esaki.

Apesar di esaki no por deskartá ku últimamente tin spekulashonnan konserní inkompreshon i algun inkietut den partido kòrá.

Di fuentenan ligá na e partido nos a komprondé ku tin basta problema ku e aktitut di Gianni van den Heuvel-Geurrero, number 8 riba lista di Demokrat. Segun nos fuentenan van den Heuvel-Guerrero a tuma un posishon basta estrikto konserní relashon amoroso entre personanan di mesun sekso. E ta basa esaki riba su kreensia, pues religion miéntras e partido mes ke hiba un aktitut mas liberá konserní e topiko aki. Esaki a bira un punto kardinal despues ku van den Heuvel-Guerrero i un miembro di prensa a bai den un diskushon públikamente i basta formal. “No ta promé bia bo ta saka bo uñánan. Pero bo sa: prediká meskos promé ku elekshon

ku despues. Ya tur hende sa di antemano pa kiko abo ta para”, tabata algun palabra basta fuerte di parti di e miembro di prensa pa ku e polítiko.

Nos a komprondé ku e diskushon aki no a keda pa medio sosial so pero ku den e partido esaki ta sòru pa iritashon. Básikamente e aktitut mas konservativo di van den Heuvel-Guerrero ta un sumpiña den wowo di algun miembro di e partido i ta kousa vários diskushon den Demokrat. Pa Silberie esaki no ta algu signifikante i básikamente esaki no ta bisa nada tokante e estado di e partido. “Te leu ku ami sa no tin nada. I di otro banda den un partido demokrátiko semper tin espacio pa diskushon sano”, el a enfatisá.

Miéntras rumornan persistente ta indiká diskushonnan interno den e partido ku ta okashoná malkontentu, pa Silberie partido kòrá no ta pasando nada ku no ta usual. “No ta eksistí un organisashon na mundu ku no tin diskushon. Akaso ku no tin, kier men ku e organisashon no ta demokrátiko”, segun Peter Silberie.

BONERIANO a tuma kontakto ku lider di partido Clark Abraham pero te ku publikashon di nos artíkulo nos no a haña un reakshon.



Partido Demokrátiko Boneriano

OPTENIBEL NA

Kuranderia popular



Ofisina di FuHiKuBo

Ofisina di Extra Del Mar BV

\$17,50

Natural i spiritual

Un proyekto di Unesco i FuHiKuBo

19 di Yùli 2023

“Tata, Señor di shelu i di teral Mi ta gradisí Bo ku Bo a duna esnan simpel konosementu di e kosnan ku Bo a skonde pa esnan sabí i inteligente.” (cf Mateo 11,25)

Ta agradabel pa sosialisá ku esnan rònt di nos. Sinembargo ta parse tin biaha ku apesar di tur nos esfuerso pa komprondé otro, esaki no ta logra. Ta parse ku konseptonan di mundu a kambia. Loke nos a lanta konosé komo bon, awor ta desakreditá òf asta konsiderá malu. I loke semper nos a konsiderá malu, ta keda elogiá i asta halsá.

Para firme den fe (cf 2 Tes 2,15), pasobra Señor a revelá na esnan humilde, e bèrdatnan di nos fe i di nos bida, ku El a skonde pa esnan ku ta konsiderá nan mes sabí i inteligente. (cf Mateo 11,25) “Laga nos tene duru na nos fe ..!” (cf Hebr 4,14a)

“Señor, hasi mi fe krese!” (cf Lukas 17,5)

1L Ex 3,1-6.9-12.16-19; Salmo 103,1-4.6-7; Ev. Mateo 11,25-27

005999-522-4056 Un Snehil Pan unsnehilpan

Kua ta Disney su propósito real pa mucha mundialmente

Pa: Noel Janga

KRALENDIJK -- Djaluna mèrdia e barku di turista Fantasy di Disney ku a bishitá Boneiru, a ofresé un aktividat riba waf pa mucha. Havenmeester i e lokutor di e radio number unu entusiasma a promové esaki. Nada malu, un bon entretenementu pa nos muchanan durante e fakansi akí.

Tur ku ta sigui informashonnan internashonalesa ku e último simannan akí Disney, e gigante den distribushon di pelíkula, a keda halá un banda pa mo-

tibu di un pelíkula ku nan a rechasá di publiká i ku a publiká dor di un otro distribuidor, Angel Studio.

E pelíkula ta 'Sounds of Freedom'. E ta bai tokante un storia real di un eks agente federal, Tim Ballard, ku a retirá di su trabou pa lanta un organisashon Operation Underground Railroad, kua su propósito ta para tráfico humano infantil. Segun Ballard, Merka ta pais konsumidó mas grandi di pornografia infantil. E pelíkula ta number un aktualmente na Merka.

Asombroso ta tambe tur e reashonnan negativo ku e pelíkula akí ta haña di parti di e gigantenan den media na Merka. Ta kanselá fushon den teaternan den forma straño. Hopi forsa ta lanta pa trata na stroba e pelíkula akí. Pero manera semper ora Dios, e lus presentá satanas e skuridat, ta hasi tur loke ta posibel pa stòp e proseso, pero en bes di su intento kousá un paro di e proseso, e ta oumentá e proseso mas.

Dikon Disney i tur e gigantenan den media na

Merka ta kontra di e pelíkula. Segun ekspertonan na Merka, ta pasobra e pelíkula ta eksponé un tabú grandi ku ta eksistí bou di esnan élite den e industria di media.

Mi ta referí na pedofilia. E motibu dikon e pelíkula ta haña asina tantu kontra tempu, ta pasobra su esensia ta eksponé otro ideologia ku e sistema ta purbando poko na hasi normal esta tenementu di rela-shon ku menornan di edat.

Ya kaba Disney, e organisashon ku djaluna atardi

a entretené nos muchanan na waf, ta den full swing ta brainwash muchanan pa drenta den e atmósfera di LGBTQ. I nos tur sa ku aki na Boneiru Disney ta e number unu pa loke ta trata entretenementu di nos muchanan. I e resultado ta bisto kaba na skolnan e influensia riba nos mucha i hóbennan.

Atrobe mi ta kere ku e pueblo mester di konsientisashon di loke berdaderamente ta tumando lugá aki na mundu pa loke ta trata formashon di mentalidat.

Steve Sloop di WINAIR:

Islariba i área mas amplio di Karibe mihó alkansabel for di Boneiru

KRALENDIJK -- Danki na buelonan di WINAIR ku resientemente a keda reintrodusí, e islanan di St. Maarten, Saba i St. Eustatius, awor ta mas al-

kansabel. Pero e buelonan ta ofresé konekshon pa otro destinashonnan den área di

Karibe, ku ta keda sirbí pa WINAIR.

Esaki Manager di WINAIR na Kòrsou, Steve Sloop, a bisa durante introdukshon di e buelonan djadumingu último. Awor ta posibel pa biaha pa Islariba den 1 dia, òf pa bini bèk for di Islariba den un solo dia, di akuerdo ku un publikashon di Awor.nu

Sloop a mostra tambe riba e echo ku via St. Maarten, por yega tambe na otro islanan ku WINAIR ta sirbí. Ta trata aki di islanan manera St. Barths, Dominica i Anguilla. Pasahero mester kambia di avion sí na aeropuerto di St. Maarten, pa logra esaki.

E buelonan di WINAIR

ta eliminá e riesgo ku biaheronan for di Boneiru tabatin te ku awor akí, ora nan tabata bula ku dos diferente kompania di aviashon. Pasahero ku tabata bula for di Boneiru pa Kòrsou ku Divi Divi òf EZ Air, pa sigui ku WINAIR òf JetAir, no tabatin konekshon garantisá.

Awor ku WINAIR mes ta bulando pa Boneiru atrobe, sí por papia di un konekshon garantisá. Promé ku pandemia di Covid-19, ya WINAIR tabata ofresé buelo pa algun tempu kaba pa i for di Boneiru. Manera tabata e kaso ku hopi buelo, esakinan a kanselá na inisio di e krísis mundial ku e pandemia a kousa den aviashon mundial.

Diputado Kroon a reuni ku hefe di departamentu di Salubridat

Diputado di Salubridat James Kroon den kombersashon ku hefe di departamentu di Salubridat di Zorg en Jeugd Caribisch Nederland, Curvin George, sondeando posibilidatnan pa traha mas estrecho riba e desafionan ku tin den pueblo pa ku nesidadnan den área di salubridat.



Manager pa WINAIR, Steve Sloop, splikando kon e buelonan for di Boneiru ta ofresé e posibilidat pa yega na otro destinashon den Karibe. (Potrèt: ABC Online Media)

Leticia Beaumont tambe awor ta huma hende

KRALENDIJK – Leticia Beaumont, konosí pa su konosementu di remedi mondi, yerbanan medisinal, awor ta huma hende tambe. Asina e ta sigui den paso-

nan di Raimunda Martis, Mercelina (Mama) Ilario, Ramona Vlijt i otronan promé ku nan. Leticia ta usa pipa. Otronan den pasado a usa sigaria i sigá tambe.

Segun Roberto (Bob) Harms, investigadó di kultura i historia, kurandaria, òf manera nan ta yam'é na Boneiru halamentu, ta un tradishon ku ta bai bèk hopi

aña. "E ta un tradishon ku asta mi ta tribi bisa ku ta eksistí aki na Boneiru asta promé ku e oropeonan a yega. Si bo mira bon, e konseptu ku aktualmente ta usa na Boneiru pa halamentu, esta e humamentu di pipa i tambe e ponementu di man riba hende i e tipo di síntomanan ku kua hendenan ta bai serka e haladó, por bai bèk te asta na tradishon[1] nan kurativo di indjannan arowak den nos besindario. Asta bo ta mir'é bèk den tradishonnan arowak taino, di e islanan manera Puerto Rico i Repùblika Dominikano i e tradishonnan siboney arowak di Cuba. Pasobra e elemento di huma i prinsipalmente hasi uso di tabako pa bo por limpia oura di un persona, bo ta hañ'é bèk den tur e tradishonnan di indjan di promé

ku e spañónan a yega aki banda."

Ramona Vlijt-Martinus tabata un di e humadó i haladónan di Boneiru. El a nase na Playa, pero a biba mas tantu na Rincon, bario di su esposo Cancio (Can) Vlijt. Na 2017 e no tabata praktiká mas. Mientrastantu el a fayesé.

Raimunda Martis ta otro kurandero ku ta hala hende, pero e no ta usa pipa mas. Un persona ku sí ta usa pipa ainda ta Junior Delannoy.

Resientemente Leticia tabata den dos grabashon pa Herensia, papiando tokante su trabou komo spesialisista di yerba, ku pronto lo pasa na Bonaire.tv.

Segun Leticia, promé ku el a kuminsá ku humamentu durante ku e ta hala hende, el a papia entre otro ku Raimunda.



Programanan di Bonaire.tv

TELBO kanal 70
Flamingo TV kanal 23

Djárason 19 yùli 2023

12.00 Herensia:	Kaminata Historiko di Rincon
13.00 Aki Boneiru:	Uchi i Balentin 50 aña kasá
14.00 Herensia Korsou:	Catalina (Kata) Antonia-Lucia
15.00 BAPA:	Nando ku Carlos Domacassé
16.00 Herensia:	Ines Maria Martis-Thodé
17.00 Aki Boneiru:	Jandino Asporaat
18.00 Herensia:	Ka'i Mamai na Bonaire 2
19.00 BAPA:	Mariette Oosterhoff
20.00 Aktualidat:	Xemio Jacobs
21.00 Aki Boneiru:	Presentashon di Kristu Bon Wardador
22.00 Herensia:	Ronald Pablo Hoyer i fam
23.00 BAPA:	Erich Arias

Tur mèrdia 12'or ta kuminsá un programashon nobo di 4 ora.

E programashon aki ta ritipí pa 24:00.



UN ENKUINTRO KU HESUS TA KAMBIA NOS HISTORIA

Mateo 8:14-15 "I ora Jesus a yega na kas di Pedro, El a mira Pedro su suegra drumí malu na kama ku keintura. I El a mishi ku su man i e keintura a lagu'é; i el a lanta i a kuminsá sirbiE."

SU HISTORIA A KAMBIA:

- DI UNU DRUMÍ MALU, PA UNU KU A BIRA BON

Mateo 9:18-19 "I ora Jesus tabata kana kantu di laman di Galilea, El a mira dos ruman hòmber: Simon, kende tabata wòrdu yamá Pedro, i su ruman Andres, ta tira reda den laman; pasobra nan tabata piskadó. I El a bisa nan: "SiguiMi, i lo Mi hasi boso piskadó di hende."

NAN HISTORIA A KAMBIA:

- DI PISKADÓ PA PISKADÓ DI HENDE

Mateo 20:29-34 "I ora nan tabata sali for di Jeriko, un multitud grandi tabata siguiE. I ata, dos hòmber siegu ku tabata sintá kantu di kaminda, ora nan a tende ku Jesus tabata pasa, a grita, bisando: "Señor, Yu di David, tene misericòrdia di nos!" I e multitud a rous nan manda nan keda ketu; ma nan a grita mas duru ainda, bisando: "Señor, Yu di David, tene misericòrdia di nos!" I Jesus a keda para i a yama nan i a puntra: "Kiko boso kier pa Mi hasi pa boso?" Nan a kontest'E: "Señor, nos kier pa nos wowonan wòrdu habrí." I Jesus a tene kompashon ku nan i a mishi ku nan wowonan; i mesora nan a rekobra nan bista i a siguiE."

NAN HISTORIA A KAMBIA:

- DI HENDE SIEGU PA UN KU TA MIRA

Asina bo historia tambe por kambia, pèmití Hesus, kambia bo historia awe.

Alex & Jasmin Senchi
Produksion PGM

NOS FAMIANAN BONERIANO

(23)

Investigashon: drs. John Schermer

Kompilashon: Boi Antoin



Ta importante i interesante pa sa di unda nos a bini. Ken tabata nos antepasadonan? Den un seri di artikulo BONERIANO ta iluminá orígen di famianan boneriano, basá riba un estudio hasí pa drs. John Schermer durante e periodo di 1993 te 2006. Despues el a pone resultado di su investigashon riba e wèpsait www.bonairefamily.com

Tempu úniko

Boneiru tabata un lugá úniko na kuminsamentu di siglo 19. Tabata parse ku tempu a para ketu riba e isla aki. Komandùr Isaac Debrot di Boneiru, durante un biahe di trabou realisá na Kòrsou, a topa riba e isla ei ku Gerard Balthasar Bosch, un domi protestant i ademas konosí pa relatonan di biahe ku e tabata skirbi di paisnan ku el a bishitá den Wèst India, Sur Amérika i Nort Amérika.

Na luna di yanüari 1816 Bosch a subi un barku chikí, nabegando bou di bandera portugues, na e isla Texel pa biaha pa Kòrsou. E ta deskribí e biahe aki komo unu durante kua e mester a kome solamente piská salu, bonchi i kuki, miéntras ku na bordo di e barku tabatin tur klase di insekto i otro bestia malu.

Komandùr Debrot di Boneiru a invitá Bosch pa bishitá Boneiru i despues di a haña e pèrmitnan nesessario serka e gobernador general, el a biaha pa Boneiru riba dia 11 di òktober 1822, ku e barku di gobièrnu ku den 24 ora a hib'é Boneiru. Bosch despues a skirbi un relato ckstenson di su bishita na Boneiru. El a deskribi e edefisionan riba e isla, barionan i personahe.

Figura markante

Loke ta interesante di e relato di Bosch ta e deskripsion ku e ta duna di un hòmer franses ku el a topa na kunuku Fontein, despues ku e tabata regresá Playa for di Rincon. Komandùr Debrot a bis'é ku si e ke pasa saludá un hòmer franses ku ta biba

na Fontein, un tal Pierre Francois Vincent Rigaud. Nooyen ta anotá den su buki 'Isla di Papa Cornes' ku Rigaud a nase na Carcassonne den sùit di Fransia. El a bai biba na Santo Domingo, na unda el a kasa ku Maria Marguerite Boutin.

Bosch ta skirbi: "Na nos yegada un hòmer hopi bieu a sali for di e kas. E tabata stret pará riba su kurpa, komo sifuera e tabata representá henter c nashon franses riba e isla aki. Anke e no tabatin un aparensia asina bunita, e tabatin sí un posishon dèftu. Stret manera un bela, ku un flègtu di kabei riba su garganta, mará ku streki i rekuerdonan di tempu bieu."

Monsieur Rigaud a invitá Debrot i Bosch pa baha for di nan kabainan, pa asina nan por a tuma algu pa refreská. Bosch: "Riba nos diskulpa lokante esaki, debí na falta di tempu i purá pa yega fòrti, el a bisa ku nèt e tambe tabatin intenshon di bai Playa, loke por a ripará tambe na e paña ku e tabatin bistí i un buriku kla siá. El a pidi pa e bai den nos kompania. Nos no por a nenga esaki, anke mi tabata sa pa hopi tempu kaba ku un kabai ta kana mas duru ku un buriku. Pero e sakrifisio ku nos mester a hasi tòg no tabata asina grandi, pasobra tabata e momentu di mas kalor i kayente di dia, un periodo ku bo no tabatin kustumber di laga bo kabai kore duru. I nos kabainan tabata ya kaba basta sodá."

Bosch tabata konsiderá Rigaud komo restante di

un revolushon, ku meskos ku tur revolushon ku ta bai kompañá ku e soberania di un pueblo, tabatin komun ku por a mira furia di e inklinashon i pashonnan di e hende, sin ku por a kontrolá esakinan. Na opinion di Bosch, Rigaud no tabata solamente restante, ma kisas tambe asta víktima di un revolushon.

E intenshon di Rigaud tabata pa bai bende e kabritu aki, mará su dilanti riba e buriku, na Playa.

Bida interesante

Bosch a skirbi ku Monsieur Rigaud tabata prosedente di Toulouse, Fransia, na unda el a studia i optené e título di dòktor di lei. Bou di perspektivanan faborabel el a sali pa Santo Domingo, na unda el a bira presidente di korte di hustisia den un di e siudatnan importante di e pais ei.

Segun Bosch, definitivamente Rigaud no tabata broma. Pasobra despues el a haña un almanak di Santo Domingo den su man di e tempu ku Rigaud tabara den e pais ei i enbèrdat su nórnber tabata menshoná komo presidente di korte di hustisia.

Na Santo Domingo Rigaud a kasa ku un muhé dominikano. Pa via di e matrimonio aki Monsieur Rigaud a bin bira doño di un plantashi. Pero e parti ei di nos felisidat terenal, ku ta resultá for di honor, rango i rikesa, no tabata pa durashon largu p'é.

E revolushon sangriente i kruek, ku no a konosé otro mas grave kuné rònt mundu, a kuminsá. Despues di a kontemplá vários esena

di sendementu di kandela. asesinato i krueldatnan di diferente karakter, Rigaud a logra hui huntu ku su famia, hibando huntu kuné mas tantu propiedat ku e por a hiba den su purá. Den e situashon aki el a yega Kòrsou.

Bosch: "Nada asombroso ku e hòmer aki, despues di a eksperimentá un kambio di destino asina drástiko, tabata deseá di biba separá di mundu. El a pidi i haña pèrmit di gobièmu pa establese na Boneiru, na unda el a traha un kas, kaminda mi a mir'é pa promé biá i for di unda e kasnan di mas pegá tabata na Rincon i fòrti."

Hopi aña Monsieur Rigaud a biba na Fontein huntu ku un prima, ku despues di morto di esaki su esoso, e tabata trata komo sifuera tabata su mes kasá. E tabata kome loke e indjan i neguerman tabata alimentá nan mes kuné. Pero algun aña promé el a sali ku mal resultado, ku komo kon-


sekuensia ku e mester a pura bende sobrá di su pertenensianan tresé for di Santo Domingo e tempu ku el a hui, pa asina por a mantené su famia grandi.

Kòrsou

Tempu ku Bosch a topa ku Rigaud, su intenshon tabata pa bai establese na Kòrsou pronto, na unda e tabata spera di haña un medio di eksistensia den dunamentu di konseho komo eksperto di lei òf ku dunamentu di lès den idioma franses i spañó, ku tambe e tabata dominá hopi bon.

Rigaud a pidi Bosch, komo supervisor di skolnan públiko na Kòrsou, pa yud'é den e último aki, loke Bosch a primintí di lo hasi, lógikamente dentro di su posibilidatnan.

Bosch: "Mi a topa kuné hopi aña despues na Kòrsou. E no a bira konsehero huridiko, konsiderando ku e residentenan di Kòrsou tin mas mester di yobida i negoshi, enbes di konseho huridiko. Ku dunamentu di lès den idioma franses, anke den un forma sobrio, Rigaud a haña su medio di eksistensia. Mi tabata kombersá de bes en kundo kuné, specialmente na skol di e promé maestro di enseñansa públiko, Phoel, na unda e tabata akudí tur mainta, pa instruí e alumnonan mas avansá den bunitesa di e idioma franses i tambe pa deklamá."



Trapi na Fontein ku tabata kondusí na e kas den kua Rigaud a biba na Fontein.

Donashon di Fundashon Wegá di Number Boneiru

500 Misal di Pueblo pa Iglesia Katólíko

KRALENDIJK -- Re-sientemente Fundashon Wegá di Number Bonaire (FWNB) a hasi un donashon di 500 Misal di Pueblo di Dios na Iglesia Katólíko, den kuadro di selebrashon di e di 30 aniversario di FWNB.

Relashoná ku e selebrashon akí na 2022, FWNB a skohe pa hasi un donashon èkstra na diferente organisashon ku ta

kai bou di e maneho di donashon di e fundashon, manera organisashonnan deportivo, esnan ku ta hasi trabou karitativo, organisashonnan kultural i enseñansa riba nos isla.

E intenshon tabata pa entregá e Misalnan di Pueblo nobo den e aña hubilario, pero komo ku pa diferente motibu nan no a keda kla na tempu, esaki no a logra.

Tabata djadumingu 9 di

yùli durante di e sirbishi di 10'or di mainta na Misa di La Bírgen di Coromoto na Antriol, ku direktor di FWNB, Anne Marie Mercera, kompañá pa Carine Thielman, empleado di FWNB i presidente di direktiva di FWNB, Loduvico Nicolaas, a hasi entrega di e gesto aki na Pastor Marc Hooijschuur.

Pastor Marc lo pèrkurá pa repartí e Misalnan di

Pueblo bou di e tres iglesianan katólíko, esta Misa San Bernardo di Playa, Misa San Loduvico Beltran di Rincon, Misa La Bírgen di Coromoto di Antriol i Kapèl di Fundashon Mariadal na Playa.

FWNB ta gradisí tur kliente ku a depositá nan konfiansa den e organisashon i ta sigui konta ku e aporte di komunidad pa asina FWNB por sigui kontribuí ku komunidad di Boneiru.



Selebrashon Dia di Buseo Femenino

Djaluna tabatin selebrashon di tur hende muhé den e mundu di buseo. Un grupo tabatin un dia yen di akitvidat di goso. Danki na tur partisipante i spònsor.



Detenshon pa manehá bou di influensia

KRALENDIJK -- dun'é òrdu pa para. Den oranan di mardugá di djadumingu 16 di yùli, a detené un hòmber di inisial G.J.D. di 42 aña di edat riba Kaya Nikiboko Sùit pa manehá bou di influensia. A duna e sospechoso òrdu pa para pa un kòntròl rutinario na momentu ku e tabata kore den direkshon prohibí. Durante e kòntròl a resultá ku e tabata bou di influensia di alkohòl. A hasi un tèst di supla kuné i a konsekuensia di e resultado, a detené. Riba Kaya Macario (Cai) Sint Jago a detené un hòmber di inisial V.A.I.I. di 44 aña di edat. E sospechoso tabata kore zeilu riba kaminda i a detené e sospechoso.

Toro & Asociados Recursos Humanos B.V. ta buska

- 8 metselaar -3 timmerman
- 1 uitvoerder

Mas inf. tel. **+5999 518-4565**

Otro midimentu di beskein na warda di polis

KRALENDIJK – Na aña 2022, Kuerpo Polisial Hulanda Karibense (KPCN) a pidi ‘Rijksvastgoedbedrijf’ (RVB) komo hürdó un investigashon di klima den e edifisio di KPCN pa motibu di diferente keho tokante e ambiente di trabou. For di e investigashon a resultá ku tin

diferente área di atenshon ku beskein a akumulá, i ku ta influensia e kalidat di aire den e edifisio. Ounke esaki su nivel tabata di tal manera ku e no ta peligroso pa trahadónan, e tabata rekerí atenshon inmediateamente.

Komo konsekuensia di e resultadonan, RVB a bini ku un proposishon pa me-

didanan agudo i un plan pa ehikutá e rekomendashonnan di e rapòrt di investigashon di manera struktural. E plan struktural di akshon tabata repartí riba término kòrtiku i término largu. E akshonnan agudo mesora a keda implementá i un kalkulashon di e situashon a demostrá ku esaki

a yuda mehorá e situashon drástikamente. Di otro banda, e akshonnan riba término largu tabatin algun retraso pa motibu di materialnan ku tabatin mester pa implementá e trabou.

En espera di e implementashon di e akshonnan riba término largu, KPCN i RVB ku regularidat tabata laga hasi mantenshon den e edifisio i tabata mantené e trahadónan na altura di e situashon. Na luna di mei di 2023, KPCN a haña bishita di inspeksion di labor ku karta di advertensia en koneksion ku e situashon den e edifisio i a indiká ku e akshonnan riba término kòrtiku mester ta implementá promé ku yûni 2023 i ku mester a bini ku plan klaro pa fin di yûli pa e akshonnan riba término largu. Resientemente RVB a duna un splikashon di e situashon i a palabrá ku lo bin un investigashon nobo. Tambe a palabrá ku lo tuma otro medidanan pa atendé

ku posibel situashonnan indeseabel, pero e retraso a persistí.

En koneksion ku esaki e Tim di Maneho di Kuerpo (KMT) a disidí pa muda algun ofisina pa un otro lokalidat den e edifisio. E ofisinan ku pa e motibu aki no tabata den uzo mas, tabata ubiká na e sitio ku tabata konsiderá áreanan di prioridat den e investigashon anterior.

Apesar di esaki, trahadónan no ta obligá pa traha den e edifisio i kontinualmente lo keda na altura di tur stap ku tuma pa mehorá e situashon. Riba djabièrnè ekspertonan a midí atrobe den e edifisio i asina ku e resultadonan ta konosí lo kompartí esakinan ku e trahadónan i nan representantenan.

KPCN, RVB i NAPB ta haña ku salú di e trahadónan ta di sumo importansia i lo keda traha huntu na un sitio di trabou saludabel i seif pa un i tur.



Sistema nobo pa entregá maleta kasi kla

KRALENDIJK – E sistema nobo pa entrega di maleta na pasahero despues di yegada na Aeropuerto Flamingo di Boneiru, ta kasi kla pa kuminsá funshoná. Segun direktor di aeropuerto, Maarten van der Scheer,

den deklarashon na Awor. nu, e instalashon di e sistema nobo ta kanando segun plan, pa loke ta trata tempu ku mester pa instalá esaki. For di komienso a premirá ku lo tuma mas o ménos un luna pa instalá e sistema nobo. Instalashon pa e

instalashon nobo ta hasi pa fabrikante di e sistema. “E sistema mes ta kasi kla. Awor tin mester di ahustá e último detayenan pa operá e sistema, pa kuminsá us’é di bèrdat,” asina van der Scheer a splika djadumingu.



E sistema nobo tin un kapasidat muchu mas grandi ku esun anterior, ku mientrastantu a keda kompletamente desmantelá. (Potrèt: ABC Online Media)

Ladronisia di skuter

KIRALENDIJK -- Riba djasabra 15 di yûli a dreña keho di ladronisia di un skuter.

Deskonosinan a bai ku e skuter ku tabata stashoná ku un lòk di stür, na altura di un estableimentu nok-

turno na Kaya Hermandad entre 14 di yûli i 15 di yûli.

Ta trata aki di un skuter koló pretu/shinishi di e marka Senzo, numerá MF-3380. Ta investigando e kaso.

Detenshon pa enkubrimentu

KRALENDIJK -- Den oranan di mainta riba djadumingu 16 di yûli, a detené un hòmer di inisial C.L.B.S. di 25 aña di edat na Kaya Aguila en koneksion ku enkubrimentu.

Algun ratu despues a detené un hòmer di inisial H.W. di 18 aña di edat.

A spòt e dos hòmernan na momentu ku nan tabata bezig ku un skuter prosedente di ladronisia.

Mensaje de la Virgen Maria Reina de La Paz 42o Aniversario desde Medjugorje
25 de YUNIO de 2023

“Queridos hijos, el Altísimo me permite estar en medio de ustedes, para orar por ustedes, para ser su Madre y su refugio. Hijitos, los invito: regresen a Dios y a la oración, y Dios los bendecirá abundantemente.

“Hijitos, necesito sus oraciones. ¡Oren, oren, oren!”

¡Gracias por haber respondido mi llamado!” **06/25**

Sertifikado di klup di futbòl PSV pa mas òf ménos 250 mucha

KRALENDIJK - Mas òf ménos 250 futbolista hóben di 6 pa 15 aña a risibí un sertifikado di klup di futbòl PSV pa nan partisipashon na un programa di treinen. Kuater trener di PSV Soccer Schools a trein e muchanan for di 19 te 30 di yùni di e aña akí. Den kolaborashon estrecho ku

Instituto Deportivo Boneriano, Indebon, i PSV a hinka e programa den otro.

E treinernan a keda impreshoná ku e partisipashon fanátiko di e muchanan: 'Tabata un eksperensia bunita. Nos ta kontentu ku nos a kompartí nos konosementu i ku nos por a aportá na desaroyo di e talento fut-

bolístiko na Boneiru.' Esaki ta loke Vincent Blancke, trener di U12 i alabes kordinadó tékniko di PSV a duna di konosé.

Diputado James Kroon ta wak bèk ku satisfakshon. 'Mi ta haña tremendo ku nos hóbenan a haña e oportunidat úniko akí pa siña for di e treinernan pro-

feshonal di hóben di PSV. I mi ta kontentu ku asina tantu hóben a hasi uso di e oportunidat akí.' Terrence de Jongh, hefe na Indebon, ta pone énfasis riba importansia di e treinen. 'E muchanan ku a partisipá ta mas motivá awor pa sigui desaroyá nan mes komo futbolista. Nan ta nos futuro, e kolaborashon ku PSV ta nifiká masha hopi pa nos.'

E treinen ta forma parti di un akuerdo pa kolaborashon ku Entidat Públiko Boneiru a sera ku PSV na aña 2022. E dos partidonan ta traha entre otro huntu riba tereno sosial i riba tereno di futbòl.

E treinen di luna di yùni kuta tras di lomba ta un ehèmpel di esaki. Despues di e éksito di e treinen na Boneiru, awor akí ta wak kon PSV i Entidat Públiko

Boneiru por traha mas tantu huntu ainda riba tereno sosial.

Riba tereno ekonómiko tambe PSV i Entidat Públiko Boneiru ta kolaborá ku otro. Por ehèmpel un mishon komersial hulandes ta bishitá Boneiru den luna di novèmber di e aña akí. E ora ei empresanan lokal por hasi kontakto ku empresanan hulandes i interkambiá konosementu. Ta posibel tambe ku despues di a sera konosí, nan ta bai traha huntu ku empresanan hulandes i partnernan di PSV.

E forma di kolaborashon akí ta kuadra ku e aspirashon di gobièrnu pa yega na un desaroyo ekonómiko duradero di Boneiru. I pa yega na un ekonomía ku tin su base riba diferente pilá. E intenshon ta pa den futuro nos ta ménos dependiente di turismo.



Promé bishita Disney Cruise Fantasy

KRALENDIJK - Djaluna e barku krusero Disney Cruise Fantasy pa promé biá a mara na Boneiru. Disney Cruise Fantasy ta un barku krusero luoso ku a diseñá spesialmente pa brinda famianan i amantenan di Disney un eksperensia inolvidabel riba la-

man. Diputado Jolinda Craane i Kapitan di Haf, Gunther Flanegin, tabata presente pa duna Disney Cruise Fantasy un kaluroso bon biní i pa gradisí pa e aporte na turismo di Boneiru.

Diputado Craane a entregá kapitan di e barku

un bandera di Boneiru i el a duna splikashon di nifikashon di e bandera.

E diputado a ofresé tambe un feneta den forma di bandera di Boneiru. Kapitan di Haf, Gunther Flanegin, a opsekiá un potrèt den leschi di yegada di e barku krusero na Boneiru.



Aksidente entre outo i skuter

KRALENDIJK -- Riba djadumingu 16 di yùli, un aksidente entre un outo i un skuter a tuma lugá riba Kaya Industria.

Ambulans a transportá shofùr di e skuter pa hòspital pa tratamentu médiko.

Durante kòntrol mas aleu a resultá ku shofùr di

e outo no tabata disponé di un reibeweis bálido ni un prueba di seguro. Pa esaki el a haña un prosèsferbal.

A konfiská e outo i e doño por pasa tuma esaki na momentu ku e por muestra un reibeweis i prueba di seguro.

Boneiru ganadó absoluto Arte Palabra 2023

KRALENDIJK— Boneiru a resultá ganando absoluto di Arte di Palabra 2023. Aparte di premio máksimo, e hóbennan a sa di bai ku mayoria premio den tur kategoria. Durante fin di siman tabatin kompetensia di arte di palabra na Aruba. Hóbennan di Aruba, Boneiru i Kòrsou ta bini huntu i kompetí kontra otro. Primeramente kada isla ta saka su ganadónan ku despues ta representá e isla na e gran final.

Kaylee Winklaar a resultá e ganadó absoluto ku bib'é i stim'e.

Pa loke ta kategoria di poesia eksistente klas 1-2, Keithley Torregrosa di Liseo Havo 1 a resultá ganadó absoluto ku Mama. Na segundo lugá tabata Q-zeally Piar ku e poesia Amor.

Q-zeally ta den Havo 2 di Liseo. Kòrsou a keda na di tres lugá ku Maryangely Giterson di Albert Schweizer College ku Awe ta ayera i mañan.



Poesia original su ganadó absoluto ta Kaylee Winklaar ku bib'e i stim'e. Kaylee ta alumno di Havo 1 na Liseo. Segundo lugá a bai pa Trevor Anthony di SGB PRO ku Indjan di Nort'i Saliña. Nashentely Bregita di SKAIH AGO Kòrsou a keda na di tres lugá ku kultura.

Bida bai bib'e di Emily Frans ta ganador absoluto den kategoria klas 3-6 di poesia original. Jeaniro

Dorothea di FORMA MBO 1 ku identidat pèrdí a bai ku e segundo premio. Na di tres lugá a resultá Juraily Meulens di Nilda Pinto SBO Kòrsou, ku e poesia Tempu.

Kategoria di kuenta eksistente klas 1-2 su ganadó absoluto a resultá Kaylee Winklaar ku e kuenta Elekshon Kolegio Elektoral. D'ange Sint Jago di Liseo VWO 2 a keda na di dos lugá ku Si gloria n'ta

di mi no. Solyender Louisa di Juan Pablo Duarte AGO Kòrsou a bai ku terser lugá ku e kuenta awe no, mañan no. Shandelus Rosa di SGB VMBO 3 a bai ku e premio máksimo den kategoria Kuenta original klas 3-6. Ba buska ba haña ta nòmber di su kuenta. Jeaniro Dorothea di FORMA MBO 1 a bai ku di dos premio pa biba tras di muraya. Giandrick Crispulo a gana di tres lugá ku mal gañadó.



Barku di fruta a yega

KRALENDIJK — Despues di 4 aña barku di fruta venezolano a regresá Boneiru. Djamars 18 di yüli den oranan trempan di mainta e barku Maria de la Paz a mara na waf.

Por bisa ku Boneiru ta e último di islanan ABC ku ta risibí barku di fruta. No ta muchu kla kiko realmente tabata motibu pa e tardansa. Hopi tabata puntra nan mes si ta trata aki di algu

ku Hulanda tin di aber òf polítikonan lokal. Echo ta ku porfin un barku a yega i tabata risibí pa entre otro diputado Jolanda Craane i algun siudadano.



Bo tabata sa ku awakati i pampuna ta fruta i no berdura?

BO TABATA SA?

Muchanan di Buki di Prèt na Buena Vista Optics


Djasabra Buena Vista Optics tabatin bishita di e muchanan di Buki di Prèt. Tabata realmente prèt, nan a eksperensiá kiko tur ta hasi na e òptika, midí wowo, sleip glas i ainda hopi mas. E muchanan tabata hopi curioso pa tur kos. Hopi dushi pa tin tipo di muchanan entusiasamá asina.



MONCHI & TONCHI

Nan di mi kara ta spanta hende

Awèl si, si bo tabata kana smail bo so tambe lo tabata kos straño



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482
Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcendencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bòl Antoin
786-6818
Aviso
avisobon@gmail.com

Komprondé matrimonio

Promé parti



ku semper mester tin e máksimo i ku amor o e pashon di kuminsamentu ta dura hinter bida. Realidat ta ku e berdadero amor ta krese ku tempu i ku esfuerso. Bo relashon di pareha ta manera un hardin ku tin mester di atenshon i kuido, i si bo fertilis'é, dun'é awa i ranka e yerbanan malu, e lo floresé durante hinter bida. Pero si laga di hasi esaki, bo relashon por kuminsá debilitá.

4. No spera ku bo pareha ta satisfasé tur bo nesidatnan.

E úniko persona kapas pa hasibo felis i yena bo bida, ta bo mes. No pretendé ku otro lo hasié p'abo. I únikamente si bo ta kapas na satisfasé bo nesidatnan i biba un bida pleno, lo bo tin kapasidat di hasi e otro felis. Bo pareha tambe ta e úniko responsabel pa loke ta konserní su felisidat i su bida.

5. No semper i na tur momento bo ta bai sinti bo mes atraé pa bo pareha.

Maske nos sa esaki intelektualmente, ora e falta di atrakshon aparesé den matrimonio, i e ta bai na aparesé sigur di un momento pa otro, hende ta pensa ku ya el a kaba. Medionan di komunikashon ta bombardia nos konstantemente ku mito i fantasia rondó di loke ta amor i mayoria di hende no tin otro fuente di informashon. Un di e mentiranan mas frekvente ku nan ta

Sigui lesa pag. 14

kontinuashon pag. 11

(CEC 815).

di e grupo di e 12 Apóstolnan. Su susesor den e kargo di Obispu di Roma, ta kontinuá siendo e sirbidó di e unidat no ya di e Kolegio Apostólíko, sino di e Kolegio Episkopal, ke men, di e grupo di e Obispu, i pesei e ta pasa na ta e Hefe di Iglesia Universal, Papa, Su Santidat òf Sumo Pontífise, manera nan ta kustumbrá yam'é, ku poder di hurisdikshon riba kada persona batisá.

Papa tin e Delegado pa sierto kosnan konkreto i spesífiko pa e okashon. E mes ta Vikario òf representante di Hesus, pero den su kaso, no únikamente pa su diósis spesífiko, Roma, pa kual sí tin un Vikario (representante suyo) permanente, sino pa henter Iglesia, pa esnan ku a batisá, pa tur esnan ku ta rekonosé Hesus komo Rei i Salvador di nan bida i ta kere den Santísima Trinidad komo Dios. Pa esnan ku tin den e Beibel e buki revelá di Dios.

Algun persona ta biba ta komunión mas o ménos intensamente ku otronan.

E kristian ku ta bisa di ta katólíko, lo mester ta e komunión den e sakramento di e órden (ku esnan ku ta sirbi na e unidat òf konkordiá di e Pueblo di Dios, esencialmente den e susesor apostólíko), e komunión di fe (enseñansa, doktrina apostólíko) i komunión den e shete sakramentonan instituí pa Hesus pa komuniká e gracia òf bida di Dios den diverso sirkunstansianan

E susesor apostólíko ta e proseso ininterumpí di komunikashon di e servisio apostólíko i episkopal atraves di tempunan, hasta yega, for di e 12 Apóstolnan di Hesus, te na ku e Obispunan di awe ku ta biba den komunión entre ku nan i kue Tata Santu.

Obispunan, komo nan tin e plenitud di e sakramento di e órden sagrado pa e susesor apostólíko, nan por atministrá bálido e sakramento di Konfirmashon (plenitud di Boutismo), i e sakramento di Órden Sagrado den su tres gradonan (diákonu, presbítero, obispu). E por delegar'é Konfirmashon pa algun sirkunstansia, pero esun di Órden Sagrado nunca.

Nan ta, pues, esnan úniko ta kontinuando di e susesor apostólíko, ainda den forma históriko.

Francisco ta e susesor n° 266 di Pedro komo Obispu di Roma i, pues, komo sirbidó di henter Iglesia

I ku e Órden Sagrado, Obispunan ta hasi posibel kontinuashon di Eukaristia komo presensia sakramental i sustansial di Hesus Resusitá den e mundu (cfr. I Kor. 11, 23-26, e teksto bíbliko mas antiguo di e Institushon), i tambe nan ta hasi posibel kontinuashon di Rekonsiliashon komo sakramento di pordon di pikánan (cfr. Hn. 20,22-23).

Gustavo Daniel D'Apice
Profesor Universitario de Teología (UCA) - Auspicio Cultural 0086

Nos sosiedat ta prepará nos pa e trabou mas simpel, pero, pa e trabou mas kompliká di tera, ku ta e konvivenzia den matrimonio i e edukashon di yunan, mayoria di nos ta dreña sin ningun tipo di preparashon. Pió ainda, mayoria di nos ta kuminsá e aventura aki ku un saku yen di ekspektativanan falsu, kreensianan irashonal, mito i mentiranan ku no ta korespondé ku realidat.

Ta sigui algun bèrdad, un mini-manual ku por yuda bo komprondé loke ta normal i asta nesario di manera ku un relashon ta prosperá.

1. Ta siña stima i kombibí.

Ningun hende ta nase sabiendo. Nos mester siña na pensa pa hasi e otro felis na lugá di midi loke e otro ta hasi p'abo, pa renobá e ilushon, pa komuniká ku otro sin heridá sintimentu, pa dialogá, pa atendé, pa ehikutá den forma konstruktivo nos emoshonnan. Pero tampoko

ta siña nos esakinan, apesar ku nan ta mas importante pa nos felisidat ku matemátika o signatura ku ta kere ta mas relevante. Lo mester ta un fakultat obligá den e curriculum akadémiko.

2. No konfundí e amor berdadero ku pashon i e lokura transitorio inisial.

“Ta enamorá ta un etapa den e relashon ku no ta dura pa semper”. E vlamnan aki ta dura entre dos pa kuater aña. E personanan ku únikamente ta deseá na biba e tipo aki di relashon, ta miran nan mes obligá di ta kambia di pareha konstantemente, eksperiensiendo ku kada kiebro e doló ku ta enbolbí e periodonan di soledat no deseá te ora ku un pareha nobo bolbe aparesé na horizonte.

3. Amor ta krese ku tempu i ku esfuerso.

Siña konstruí i mantené un amor. Laga nos kompartí e kreensia falsu ku si kos ta kana bon ta pasobra nos ta enamorá i si nos tin difikultat ta nifiká ku nos no ta enamorá. Otro eror ta di kere ku amor ta kuantifikabel i

Mgr. Karel Kasteel a selebrá misa na Westpunt



ARUBA

Joran van der Sloot sospechoso na Hulanda pa labamento di placa

ORANJESTAD -- E lista di actividadnan criminal di Joran van der Sloot, no tin un final ya cu for di algun siman caba e ta ser mira pa husticia Hulandes, como posibel aliado di e sospechoso Stan P. kende a wordo deteni hunto cu su pareha Lana S. na un hotel na Spaña. Pa algun tempo

caba autoridadnan Hulandes ta buscando e tipo Stan aki, kende nan tabata sospecha cu pa varios aña caba e ta meti den labamento di sumanan grandi di placa segun informacion emiti pa Ministerio Publico di Rotterdam.

Segun informacion aki, ta trata aki di un suma di

varios 100 mil euro cual tabata procedente dor di manipulacion cu e asina yama 'online casino' pero Ministerio Publico ainda no kier a duna informacion specifico riba e detayenan aki.

E sospechoso principal Stan P. aki, ta un especialista d 'cybersecurity' y autoridadnan ta sospecha cu pa algun aña atras, el a inverti sumanan grandi di placa den Joran van der Sloot y su esposa y na e momentonan aki Ministerio Publico ta investigando si e placa aki duna na van der Sloot lo tabata placa procedente di circulo criminal.

Autoridadnan Peruano pa algun tempo caba e homber P. aki hunto cu Joran, lo a hinca un plan den otro pa asina malversa basta placa di casinonan

rond di e pais caminda na 2018, e tipo Stan aki, a bin na atencion di autoridadnan Peruano pero nunca a bay over na su detencion.

Segun e informacion di Hulanda, Joran a wordo protegi pa hopi tempo dor di Stan aki y su amiga Lana S., kendenan autoridadnan Hulandes tin tres aña nan tras. Tur dos sospechoso a huy for di Hulanda ora cu autoridadnan hudicial a inicia un investigacion pa labamento di placa di e dosnan aki y a bin haya mas prueba na momento cu nan a drenta dos cas, uno na Valkenburg y otro na Breda caminda a haya mas evidencia contra e pareha. Tabata dificil haya sa nan paradero ya cu e pareha tabata cambia constantemente di luga di keda vari-

ando di Spaña pa Polonia y asina a keda tres aña sin cu por a detene e trio.

Pa varios aña e amistad entre Stan y Joran a bin ta desaroyando su mes y constantemente e lo tabata provee Joran cu miles di euro brindando e criminal cu sosten moral ya cu e tabata sinti cu Joran tabata wordo persigui inhumamente den e caso di Nathaly Holloway.

Den ultimo añanan e amistad a bira menos cu poco contacto pero autoridadnan Hulandes ta kere cu den pasado, a pesar cu Joran tabata den prizon na Peru, e hunto cu Stan tabata gamble online cu varios casino caminda nan a cometa fraude formalmente y den e proceso aki lo a laba placa di droga y otro crimen cometi.



Dos mucha levemente herida den accidente diadomingo anochi

ORANJESTAD -- Diadomingo anochi pa mas o menos 11'or un accidente a sosode ariba e caminda cu ta core cerca di Oceania. Den un di e autonan tawata tin un mas mucha, unda cu

nan lo a resulta herida y tawata mester di atencion medico.

Un total di tres ambulance a presenta na e sitio, pa trata esnan herida. E accidente a sosode ariba un

crusada cu ta core pa zuid di e condominionan. Na e sitio nos a compronde cu e Hyundai lo a subi caminda caba, pero lamentablemente e auto Nissan aparentemente tawata bin cu

velocidad halto y asina ta ocasiona e accidente.

Polis di trafico tambe a wordo solicita na e acci-

dente aki.

Na final dos mucha a bay Hospital pa mas observacion.



HULANDA

Polis ta haña kantidat grandi droga riba boto

MAASTRICHT – Djamars mainta Polis a konfiská un kantidat grandi di droga na Maas-tricht. Esaki a tuma lugá durante entrada hudisial riba dos boto na Maas-promenade.

Ta trata di mas di 20 kilo di mariwana, 45 kilo di hash i míles di ‘jionts’. Un bosero di Polis a bisa 1Limburg ku ta usa e bo-

tonan pa stòk coffeeshop. Durante e entradanan a detené un hòmer di 33 aña di Maastricht.

Den un coffeeshop por bende produktonan di mariwana legal, pero e produkshon i transporte ilegal bou di regulashon Hulandes. Mas aleu e coffeeshop no por tin mas di 500 gram di mariwana den stòk.



Mariëlle Paul ta bira minister di enseñansa

DEN HAAG – Miembro di Tweede Kamer pa VVD, Mariëlle Paul, ta bira e minister demishonario nobo pa enseñansa primario i sekundario. Esaki e servisio di komunikashon di Reino, RVD, ta konfirmá.

Ku esaki Paul ta sigui Dennis Wiersma, kende a baha luna pasá despues di informenan persistente di komportashon indeseá. Djabièrnè Rei ta huramentá e minister nobo.

Paul di 56 aña na e mo-

mentu akí ta un di e boseronan di enseñansa di frakshon di VVD.

El a studia derecho i tabata direktor di komunikashon di e kompania di konstrukshon BAM tempu ku na 2021 el a drenta Tweede Kamer.

Paul pa e públiko grandi ainda ta un desconosí. Aña pasá e tabata drùk ta presidí e komishon di e enkuesta parlamentario ku mester a hasi preparashon tokante aserkamentu di e pandemia di Corona.



Caroline van der Plas atrobe lider polítiko di BBB

DEN HAAG -- Caroline van der Plas, manera a spera, di nobo ta bira lider polítiko di BoerBurgerBeweging (BBB).

Esaki direktiva di partido a laga sa. Van der Plas ta un di e fundadónan di e partido. Na 2021, BBB bou di liderazgo van der Plas a drenta Tweede Kamer ku un

asiento. E elekshon benidero ta spera mas asiento. Den e último enkuesta, BBB ta pará ku mas di 20 asiento. Van der Plas ta yama tòp ku e ta bolbe lider polítiko. “E trabou di Parlamento ta un trabou bunita ku nunca anterior mi a yega di hasi.”

Kende ta bira e kandidato di promé minister pa

BBB, e partido ainda ta laga meimei. Van der Plas a bisa anteriormente ku esaki no ta nada pe. Awor e ta bisa: “Loke futuro ta trese kuné mas aleu, esaki mi ta disidí den un tempu mas despues.”

E partido ta tuma ainda un luna i mei di tempu pa stipulá e lista di kandidato. Na inisio di sèptèmber ta presentá e konsepto di lista na miembronan, ku mester vota algun siman mas despues.

BBB ta laga sa di a haña mas di 500 notifikashon di hendenan ku ke bira Parlamentario. E término entre tantu a sera.

Na e último elekshonnan pa Staten Provinsial, BBB a bira e partido di mas grandi den tur provinsia.



Sospechoso hinkamentu fatal mas largu será

LEIDEN – E hòmer ku Polis a detené djabièrnè riba sospecho di embolbimentu den un kaso di hinkamentu fatal na Leiden, mester keda mas largu será. Esaki Hues Komisario a disidí.

E kaso di hinkamentu den un sentro di organisashonnan di ayudo a kosta bida di un hòmer di 66 aña. Dos otro a resultá heridá i ta for di peliger.

Bou di nan, segun Omroep West, tabatin un trahadó di trabou di buskadó di asilo.

Tokante e motibu di e kaso di hinkamentu ainda no tin nada konosí.



Bonaire Krant

UW EILAND, UW KRANT!

KÒRSOU

Grupo ta risibí sertifikashon pa laborá den turismo

WILLEMSTAD— Re-sientemente un total di 78 persona a risibí sertifikashon pa e sektor di turismo. E grupo a sigui e asina yamá ‘her en bijscholing’ ku gobièrnu a introdusí re-

sientemente. “Nos ta kere firmemente den duna nos mes yunan di tera prioridat pa por haña trabou den e sektor ku ta kresiendo,” e minister a bisa durante e anochi.

E grupo por kuminsá laborá komo “Houskeeping”, weiter, bartènder, i kòki. E programa ta eksistí 11 luna i te na e momentu nan aki a eduká un total di 450 alumno.



Den kamber di hotèl

MEO a deskubrí negoshi médiko ilegal

WILLEMSTAD — Despues di e risibí un informashon balioso, riba djaluna 17 di yùli, funshonarionan di Inspeksion Ekonómiko asistí pa un Inspektor di Wijkteam Punda, a realisá un bishita/kòntrol na hotèl San Marco den Sentro di siudat.

A konstatá un práktika/negoshi ilegal di dòkter, instalá den un kamber di e Hotèl ofresiendo servisio di Terapia Neural i mas, sin un pèrmit pa establese negoshi (MEO) i tampoko sin

pèrmit pa ehersé negoshi. (GMN) A informá Dr. Kelly ku ta Inspektor General di Salubridat di e situashon.



Hòmber detené pa ladronisia

WILLEMSTAD -- Djadumingu 16 di yùli, sentral di Polis a dirigí un unidat pa Kaya Dominico Herrera pa un hòmber. Motibu tabata su búskeda i aresto solisitá relashoná ku un kaso di ladronisia.

Na e sitio polis detené e hòmber E.T.J. di 55 aña di edat nasé na Kòrsou. A presentá e sospecho-sol dilanti di un fiskal ouksiliar ku a ordená su enkarselamentu pendiente di mas investigashon.

Relashoná ku kaso Hummer

Dos detenshon

WILLEMSTAD - Relashoná ku un kaso di asesinato ku a tuma lugá den luna di desèmber 2022 den área di un trùk di pan riba F.D. Rooseveltweg, divishon di krímen organisá konhuntamente ku e Tim di RST a hasi dos detenshon mas.

Djaluna 17 di yùli den oranan di mainta riba òrdu di Fiskal di Ministerio Públiko, a tene un entrada hudisial na un adrès den Kaya Aura Winkel.

Durante di e entrada hudisial a haña i konfiská arma di kandela i un kashi di bala ku bala. Tambe a haña artíkulonon ku ta di importansia pa e investigashon. Na e sitio a detené e hòmber D.M.G. di 44 aña i e dama J.C.R. di 38 aña di edat ámbos nase na Kòrsou. A presentá e sospechosonan dilanti di un fiskal ouksiliar ku a ordená nan enkarselamentu pendiente pa mas investigashon.



STATIA/SABA/ST. MAARTEN

Sint Maarten ke afiliá na agensia yudansa di emergensia

PHILIPSBURG – Sint Maarten ke bira miembro di Caribische Noodhulp Management Agentschap (CDEMA). Un agensia intergubernamental regional di CARCOM, pa kombati-mentu di desaster i maneho. Na 2008 a instituí CDEMA pa e kordinashon di yudansa di emergensia na

estadonan partisipante. Konseho di Minister a bai di akuerdo ku e ministerio di asuntunan eksterior pa sera un tratado na benefisio di Sint Maarten. Aruba, Kòrsou i Hulanda, a duna di konosé ku nan no ke bira miembro di CDEMA.

Aprobashon Little Key Nature Park paso importante

PHILIPSBURG -- Aprobashon Little Key Nature Park ta marka un paso importante pa sigurá preservashon di diferente ekosistema, inkluso pal'i mangel, kama di yerba di laman i áreanan di neishi, salbuardando e biodiversidat riku di e haf. E desishon ta demostrá ku Minister di VROMI, Egbert Doran i e tim di e

ministerio su kompromiso fuerte pa konservashon di medioambiente i balornan ekológiko. Mas aleu, e establecimiento di e parke huntu ku prinsipionan di desaroyo sostenibel, ta duna prioridat na un término largu di medioambiente salú. Mira e gráfiko ku ta konta kon e importansia di preservashon Little Key ta.



Disputa tokante refinansiamentu di e fiansa di Corona

PHILIPSBURG – Promé Minister di Sint Maarten, Silvera Jacobs, no ta haña hustu ku Hulanda ta konektá e refinansiamentu di e fiansa di Corona na e solushonamentu di e problemátika

di penshun di ENNIA. Pa esaki e promé minister a traha un karta di opheshon. Remarkabel sufisiente ta ku a papia tokante esaki durante e konsulta ku a tuma lugá dia 30 di yüni ku Sekretario di Esta-

do van Huffelen, tokante e refinansiamentu tempu e tabata na Sint Maarten. Ta despues di su regreso numa na Hulanda, e sekretario di estado a manda su kontesta Phillipsburg. “Na mi bista, tin un relashon importante pa pone entre e kuestion di ENNIA i e refinansiamentu di e fiansan. E problemanan di ENNIA ta un rísiko grandi pa e presupuesto di pais, tantu di Sint Maarten komo Kòrsou. Ku esaki tin komo influensia riba e kapasidat di ámbos pais pa paga e fiansanan duná bèk,” segun van Huffelen.



1 Mangrove Species
Red Mangrove, Black Mangrove, White Mangrove, Buttonwood Mangrove

2 Bird Species
American Coot, Moorhen, Yellow-crowned Night Heron, Green Heron, Black-winged Stilt, Various Plovers

3 Nursery Grounds
The surrounding waters of Little Key boast seagrass beds, serving as nursery grounds for various fish species, including: Banded Parrotfish, Bluehead, Herring, Anchovies

4 Vibrant Marine Life
The mangroves of Little Key provide a vital habitat for numerous species, such as: Spotted Eagle Ray, Moray Eels, Young Sharks

5 Mollusk Refuge
Little Key serves as a refuge for numerous mollusk species, playing a crucial role in their survival. These species include: Queen/Milk Conch, Cushion Stars, Sea Cucumber, Sea Urchins, Upside-Down Jellyfish, Atlantic Triton

(Source: Simpsonbay Lagoon Management Plan Proposal, The Nature Foundation)

Aksidente ku skuter

ORANJESTAD altura di H.M. Beatrix (EUX) – Djasabra 15 di Road, na Sint Eustatius. yüli a tuma lugá un aksidente ku un skuter na

skuter. Na yegada di patruya a kontrolá riba dokumentonan bálido.

Kontròl di tráfiko

ORANJESTAD Durante e kontròl, a para algun vehíkulo i kontrolá nan. Aki nan a skirbi tres prosèsverbal, dos pa kore sin reibeweis i unu pa parker malu.

E shofùr di e skuter parse no tin reibeweis, tampoko dokumentonan di seguro. Pa esaki el a haña un prosèsverbal. A resultá ku e shofùr tabata bou di influensia di alkohòl i a keda detené na e sitio pa kore bou di influensia. Polis a tuma e skuter den beslag.

DEPORTE

DeJean Francees a gana na Hulanda

KRALENDIJK -- E hóben atleta koredó fin di siman pasá a gana den kareda na Hulanda.

DeJean di SV Athene ku a kore pa Hulanda, a finalisá na promé lugá ku e tempu di 21.92.

Di dos lugá a keda Dudley Boeldak di Hulanda ku e tempu di 22,10.

Di tres lugá a keda Elgemar Laker di Hulanda ku e tempu di 22.16.

Di kuater a keda Mark Roosien di Hulanda ku e tempu di 22.26.

Di sinku lugá a keda Storm Tuyls di Belgium ku e tempu di 22.64.

Di seis lugá a keda Demian Hulanda ku e tempu di 22.81.

Di shete a keda Marnix di Leiden ku e tempu di 22.91.

DeJean Francees ku últimamente ta preparando su

mes mas ku bon pa su kompetensianan, ta logrando tambe den e tònpan.

Na Hulanda e ta korien-do aktualmente pa e pais madre, di kua tin bastante bista riba dje.

E ta profilando su mes bon den su kompetensianan aya a Hulanda.

Esaki ta motibu tambe pa kua tin bastante wowo riba dje.

Kana 160 kilometer pa militarnan no ta suficiente

NIJMEGEN -- “Kontrolá bo kurpa,” komandante Arno ta instruí. Ta banda di mitar di sinku di mardugá i meskos ku hopi otro militar, e grupo di Arno ta prepará su mes na e kampamentu di Heumensoord.

Un bes akí nan ta bai pa e promé dia di Vierdaagse di Nijmegen.

E parti akí di Korps Nationale Reserve tin komo tarea pa vigilá i kuida áre-

anan Hulandes. E militarnan akí banda di nan funshon komo militar, tin un trabou normal, òf estudio i ta aktua por ehèmpel durante kandela i kontrol di frontera.

I pues nan ta partisipá na Vierdaagse di Nijmegen. Pero no solamente pa alkansá e strepi final.

E aña akí e grupo di Arno ke gana e asina yamá bandera, un premio di e grupo

mas disipliná i e ta manehá e abilidadat di marcha mihó.

Pa bini na remarke pa e premio, tur e militarnan mester kana bunita den paso i zuai ku nan mannan.

Un otro kriterio ta ku e sakunan di lomba di e hòmbèrnan mester kontené por lo ménos 10 kilo di peso morto, banda di kuminda, bebida i otro nesesidatnan. I nan mester drumi na e sitio.



Kampionato dominó yegando final

KRALENDIJK--Kampionato dominó di Rincon yegando su final, segun e organisadó señor George Kroon ta trese na publisidat e siman aki.

E kampionato ta den su fase final faltando 2 siman mas di wega.

Relashoná ku esaki, tin algun sifra pa ku esaki.

Plei-òf ta kuminsá djamárs 1 di ougùstùs 2023.

Posishon klupnan.

1. Geza 8 wega ganá 2

pèrdí, 52 sapatu na fabor 20 kontra.

2. Sparta 7 wega ganá 2 pèrdí, 32 sapatu na fabor 27 kontra

3. Elite 6 wega ganá 4 pèrdí, 38 sapatu na fabor 45 kontra.

4. Real Dynamite 5 ganá 3 pèrdí, 38 sapatu na fabor 18 kontra.

5. Rincon Stars 5 ganá 4 pèrdí, 36 sapatu na fabor 31 kontra.

6. Los Amigos 1 ganá 8 pèrdí, 19 sapatu na fabor 19

kontra.

7. Strea di Oro 0 ganá 9 kontra, 18 sapatu na fabor 51 kontra.

Geza falta 2 wega, falta Dynamite i Stars.

Sparta falta 3 wega kuta Strea, Amigos i Dynamite.

Elite Falta 2 wega ku ta Amigos i Dynamite.

Real Dynamite falta 4 wega ku ta Geza, Elite, Sparta i Stars.

Stars falta 3 wega ku ta Strea, Geza i Dynamite.

The most complete payroll and HR software in the Caribbean!

Payroll Pro
HRM

Download the mobile app!

www.payrollprohrm.com

Popularidat ta relativo
P'esei un propio estilo
No solamente pa ta eksitoso
Sino sigur mas balioso

Brò KèS 93.5 FM
pokopoko pero sigur mas i mas hende ta ...

Skuch'è

Telefon/ WhatsApp +599 701 0935
www.radio935bonaire.com

DEPORTE

Promé dia ‘Vierdaagse’ a bai bon


KRALENDIJK--Di akuerdo ku informashonnan for di Nijmegen Hulanda, nos kanadónan Nazario Alberto i Ròì Martines ta bisa ku e promé dia di e “vierdaagse” a bai bon dja-

mars último i nan tin unu tras di lomba.

Ayera segun nan ta informá, tabata basta fresku ku basta bientu. Solo si tabata tei ketu.

Pa awe parse ku e wer

lo ta mas fresku segun nan ta bisa. Nos ta deseá nos kanadónan Nazario i Ròì tur klase di éksito den e “4daagse”. Riba potrètnan algun bista di e promé dia di “4 daagse” di ayera.



JBL Bluetooth Speaker **\$399**

8.7" Samsung Tablet

\$195



Apple and Samsung Smartphones with warranty and support



CityShop

Smart shopping ▶ Better living

Summer Vibes

30
ANIVERSARIO



65" LG 4K Smart TV **\$875**



Bose Soundbar **\$895**

Nintendo Switch Lite **\$319**

